

**Ilinniarfissuarmi ilinniaqqinneq il.il. pillugu Naimninersornerullutik Oqartussat
nalunaarutaat nr. 23, ulloq 8. juli 1991-imeersoq**

Meeqqat atuarfianni ilinniartitsisussat ilinniartitaasarnerat pillugu isumaginninnermillu suliaqartussanik ilinniartitsisarnerit pillugit Inatsisartut peqqussutaanni nr. 1-imi ulloq 16. maj 1989-imeersumi § 38 naapertorlugu aala j angersarneqarput :

Kapitali 1.

Ilinniarfissuarmi ilinniaqqineq.

§ 1. Ilinniarfissuupilinniartitsisut, isumaginninnermi siunnersortit inunnillu isumaginninnermi perorsasut ilinniaqqittarnerat suliassaraa.

Imm. 2. Aammattaaq Ilinniarfissuaq pikkorissarttsinermik neqerooruteqarsinnaavoq ukununnga:

- 1) Timelærerinut,
- 2) meeqqat atuarfianni inunniq isumaginninnermi perorsasutut atorfilinnut,
- 3) sunngiffimmi atuartitsinermi ilinniartitsisunut
- 4) klubbini atorfilinnut,
- 5) isumaginninnermi ikiortinut,
- 6) isumaginninnermik ingerlatsisunut,
- 7) inunniq isumaginninnermi ikiortinut,
- 8) meeqqanik perorsaanermi ikiortinut,
- 9) inuussutissarsiutigut ilinniartitaanermi ilinniartitsisunut aamma
- 10) pisortat nanuninersortulluunniit suliffeqarfini ingerlatsiviinilu assigisaanik atorfilinnut.

§ 2. Ilinniarfissuup ilinniaqqiffimmut tunngassutillet suliassai, tak. § 1, imm. 1., tassaapput ilinniarnerup ingerlanissa pikkorissarttsinerillu, tunngaviusumik ilinniartitaanermut pitsangorsaataasut, itisilerutaasut nalitsinnullu naleqqussagaasut.

Imm. 2. Ilinniaqqinnerup, tak. imm. 1, imarisinnaasai tassaapput ilinniartitseriaatsit nalinginnaasut, fagini ilinniartitseriaatsit aalajangersimasut ataasiakkaat, fagini sammisassat tassungalu tunngassutillet.

§ 3. Ilinniarfissuup ilinniaqqinnissami ilinniagassarititai, tak. § 1., imm. 2, tassaapput sammisassat sulisut taaneqartut pisinnaassuseqaleriartortuaannarnissaannik qulakkeerisut.

§ 4. Ilinniartitsineq, tak. § 2, imm. 1 aamma imm. 2, pikkorissarttsinertigut ingerlanneqassaaq, tassunga ilaallutik allakkatigut pikkorissarttsineq imaluunniit ikittunnguakkuutaarluni sammisaqaqatigiinneq.

Imm. 2. Pikkorissarttsinerit ukiumik ataatsimik sivisussusilit, qaamatini pingasuni pisussatut pikkorissarfittullu sivikinnerusutut pisussatut aaqqissuunneqarsinnaapput.

Imm. 3. Pikkorissarttsinerit, tak. imm. 1 aamma 2, piffissamik tamarmik atuisussatut imaluunniit

piffissap ilaannaanik atuisussatut aaqqissuunneqarsinnaapput.

§ 5. Pikkorissartitsinerit, tak. §3, ingerlanneqassapput pikkorissarfittut sivikinnerusutut, tassunga ilaallutik allakkatigut pikkorissarnerit imaluunniit ikittunnguakkuutaarluni sammisaqaqtigiinneq.

Imm. 2. Pikkorissartitsinerittaqaq, § 2, imm. 1 aamma 2 naapertorlugit neqeroorutaasuni ilinniartitsinermi inissaqarnera tunngavigalugu neqeroorutigineqarsinnaapput.

§ 6. Ilinniarfissuup ukiumut ataasiarluni ilinniaqqinnejqarsinnaasut allattorsimaffiat nassiuussortassavaa. Nassiussineq kingusinnerpaamik ukiup atualerfissap siornani oktoberip aallaqqataani pisassaaq.

Imm. 2. Taassuminnga suliarinninnermi ilinniaqqiffiit ilinniartitsisunit kalaallisut oqaasillinnit, isumaginninnermi siunnersortinit inunnillu isumaginnitunit ilinniaqqiffiusinnaanissaannik qulakkeerisoqassaaq.

Imm. 3. Pilersaarut nassiunneqartinnani Kultureqarnermi, Ilinniartitaanermi Suliffeqarnermilu Pisortaqarfimmut akuerisassanngorlugu nassiunneqassaaq.

Kapitali 2.

Ilinniarfinni allani ilinniaqqinnejq.

§ 7. Meeqqat atuarfianni ilinniartitsisut ilinniaqqissinnaanerat Undervisningsministeriap qallunaani aalajangersarsimasai najoqqutaralugit ilinniaqqiffiusinnaasutut akuerisimasaani ilinniaqqissinnaapput, tassunga ilaallutik Danmarks Lærerhøjskolimi soraarummeernissamut ilinniaqqissaarnerit.

Imm. 2. Isumaginninnermi siunnersortit ilinniaqqinnerat isumaginninnermi højskolini pisinnaavoq.

Imm. 3. Inunnik isumaginnittut ilinniaqqinnerat Socialpædagogisk Højskolimi aammalu Danmarks Lærerhøjskolimi pisinnaavoq.

Imm. 4. Ilinniartitsisut, isumaginninnermi siunnersortit inunnillu isumaginnittut ilinniaqqinnerat ilaatigut Ilisimatusarfinuni imaluunniit ilinniarfinni assigisaani pisinnaavoq.

§ 8. Kultureqarnermi, Ilinniartitaanermi Suliffeqarnermilu Pisortaqarfiup nalunaarummi aalajangersagaasut qanoq atorneqarnissaat pillugu maleruaqqusanik aalajangersaasinnaavoq.

§ 9. Nalunaarut atuutilissaaq 1. agusti 1991-imi.

Imm. 2. Tamanna peqatigalugu Kulturimik atuartitsinermillu aqutsisut meeqqat atuarfianni ilinniartitsisut ilinniaqqissinnaanissaannut tunngatillugu kaajallaasitaat nr. 12/80, 27. marts 1980-imeersoqatorunnaassaaq, kapitalili III, §§ 6-8 pinnagu.

Namminersornerullutik Oqartussat, ulloq 8. juli 1991.

/

Kaj Kleist